

1780. Gaudium et luctus Polociae
in adventu... Catherinae IV.

GAUDIUM ET LUCTUS

POLOCIAE

IN ADVENTU SCILICET ET ABITU

AUGUSTISSIMÆ

CATHARINÆ II

IMPERATRICIS

TOTIUS

ROSSIAE

DOMINÆ CLEMENTISSIMÆ

CARMEN

Illusterrimo Excellentissimo Domino

ZACHARIAE

COMITI

- CZERNISZEW

CAMPI-DUCI EXERCITUUM ROSSIÆ

MAJESTATIS IMPERATORIAE

IN GUBERNIIS ALBÆ RUSSIAE

VICARIO

VARIORUM ORDINUM EQUITI

à Collegio Polocensi Societatis JESU

Infinitis Excellentiae suæ nominibus obstricto

DICATUM.

VILLE

Typis S. R. M. penes Academiam Anno 1780.



XVIII. 1. 1371



Gaudium in Adventu
AUGUSTISSIMÆ IMPERATRICIS



I
Lluxit de crata Dies, quâ Numine dextro
Difficiles emensa vias à turribus altis
Petropolis magnæ, Imperii florentis ab arco
Rossiaci lux summa Throni CATHARINA, suæq;
Gentis Amor, PRINCEPS totum celebrata per Orbem
Advenit, terrasqué nova ditione subactas
Qua late fusi liventia flumina Dunæ
Præcipites undas volvunt in cœrulea Ponti,
Viserat, & Populos vultu clemente beavit.
O quanti plausus liquidas sonuere per auras!
Non secus, atquè nigræ noctis cedentibus umbris
Dum surgens Titan, roseisque jugalibus almam
Importans Orbi lucem juga montium ipaurat,
Concentu strepit omne nemus, lætasqué volucrum
Voces multiplicat sinuosis rupibus Echo.
Quin hilares etiam saliunt per prata cicadas,
Exiliisque tono, ut possunt, sua gaudia produnt.
Sic Domine adventu Proceres & Martia pubes,

Cives & Mystæ, qui curant Numinis aras,
Quæque colit Musas Studiis addicta Juventus,
Et plebs, quæ manuum callo fibi pabula quærerit,
Cuncti lætitiae clarissima signa dedere.

* Scilicet ut primum rumor vagus impulit aures,
Non procul esse Deam: subito numerosa tumultu
Urbs effusa ruit: nullum sua limina claudunt:
Venales mercator opes, & Scriba tabellas,
Caufidicusquæ forum, Musarum deditus arti
Librorum thecas, opifexquæ sua arma relinquit.
Omnis in occursum festinat sexus & ætas,
Conditioquæ, Statusquæ omnis: non tada senectus:
Non labor inceptus, non cura domestica rerum
Abstinuit quenquam, DOMINÆ quin obvius iret.
Vidiles undare vias, & compita denso
Agmine compleri, populi longasquæ catervas,
Quæ DOMINAM videant, stationem quærere certam:
Pars planis infundi agris, pars tendere sylvas,
Et volucrum ritu elatis considere ramis,
Pars jnga clivorum, tumidos pars culmine montes,
Aut celsas turres, aut scandere testa domorum;
Mens cunctis una est, ac idem pectoris ardor,
Maternos Dominæ vultus atquæ ora tueri:
Ut, quam corde tenent, illam contingere visu
Certent, sequè putent ista ratione beatos.
Qualiter Hyblæ volucres gens fida suæmet
Reginæ, si vere novo contenderet illa
Antiquum mutare locum, sedesquæ recentes
Quærere, convolitant ipsamquæ exanine cingunt:

Non illas remoratur ager calthisquè Rosisque
Atque thymis halans: non lilia laete retardant
Congenito, aut svavi suffitu tulpa: nec auro
Fila corusca tenent Narcyssi, aut picta hyacinthis
Hortorum facies: dulcem cum melle labore
Abilciunt, caræquè volunt assistere Matrì.
Sic ubi festivum PRINCEPS CATHARINA triumphum
Regifico splendore suam deportat in Urbem,
Accurrunt omnes nullo discriminè facto.
Scilicet Imperii præclara in PRINCIPE quidam
Est magnes, qui corda trahit Populosquè fideli
Adstringit nexus, & raro devincit amore.

Et jam prima cohors nitidis spectabilis armis
Sese offert, aurora velut prænuntia Solis
Mox adventuri, tum plurima turba Virorum,
Ceu nimbus, sequitur: florentes viribus omnes,
Insignes habitu, ferroquè auroquè polito
Conspicui Phæbum cultu radiante laceffunt.
Emicat hos inter nuper Polona Juventus,
Nunc alii sceptris famulans, Dominæquè coronam
Et caram vitam semper jurata tueri:
Quamlibet adversis gladiis opponere pectus,
Atque pati diras cædes, animaqvè litare
Esset opus. Quanta vero jam luce coruscant,
Qui proprius comitantur Heram, currumquè sequuntur:
Quod chlamydum fulgur? quam lucida balthea gazis?
Quantis divitiis prætextum tegmen equorum?
Quis phaleris splendor? Reliquis sed pulchrior ibat
CZERNISZEW sublimis equo, coopertus obryzo,

Permixtoqué adamante flagrans, vultuquè Gradivum
Belliger spirans, Majestatiqué severæ
Consocians Charites miro niōderamine blandas.
O quali portatus equo! dōs si qua caballo
Nobilis esse potest, isti non deficit ulla:
Autēs arreftæ, juba densa, pedesquè sonori,
Et subtile caput, cervix finuosa, vibrantes
Flammam oculi, circum præcordia vividus ardor.
Si cupias, cursu pennatos anteit Euros:
Si cursum reprimis, laxasquè adducis habenas,
Tunc immota loco ponit vestigia fixus:
Quodsi rursus opus vario versarier orbe,
Est omnem in partem facilī tractabilis arte.
Non mihi Bucephalum Alexandri Græcia jactet,
Nonqué suum Rhæbum bellis Mezentius acrem
Objiciat: Comitem compto qui tergore portat,
Cursibus, ac ex arte gradu superaret utrosquè
Dixisse, si fas, lapsu hunc a Sole jugalem.
Nempe sibi tales animus Mavortius optat
Alipedes, qui fint acres ad bella gerenda,
Ut ceteres possint rectum contendere cursum, aut
Si sit opus, valeant una in statione rotari,
Et quo Sessor agit, patientes sponte sequantur.

Postquam prægressi comitatus ordine longo,
Insigni rerum pompa, sumptuquè superbo,
Ipsa suos fanulos sequitur lefftissima PRINCEPS:
Cuius in aspectu quæ tandem gaudia Gentis?
Quám festæ voces superas tolluntur in auras?
Exultant, plauduntquè omnes, vitamquè perennem

Exoptant, annosquè suos pro munere donant
Et DOMINÆ & MATRI, quæ aspernata rigorem
Non jam ferratô, verùm rēgit omnia Scep̄tro
Liligerò, & populos svavi ratione gubernans
Eximiæ famæ latè diffundit odorem.
O Superi! quibus est specialis cura honorum
Principum, in AUGUSTAM, quas vestri regia cæli
Claudit opes, cunctas plenis effundite dextris,
In qua spes omnis populi & Fortuna recumbit.
Id Genius tota vovet, votis cœlosquè fatigat,
Has inter resonas voces, interquæ tubarum
Lætificum fremitum, ac tormenta tonantia Martis.
Sacrarumquæ ædūm reboantes Stontoras ære
Provehitur PRINCEPS, fidæquæ illabitur Urbi.
Spargite jam flores, Pueri, teneræquæ Fuellæ,
Huc propas violas & celsa papavera collo,
Consertasquæ thymo, caloque crocoque corollas.
Et quas hortus opes nutrit, vel prata, vel agri,
Chloridis omne decus plenis portate canistris,
AUGUSTÆ DOMINÆ vernantem sternite calle.
Carpat iter per sertæ novi gemantia veris,
Quæ jam vītrici lauro, jam pacis olivâ,
Jamqué suas opibus terras florescere fecit.
Floreat ipsa quoquæ & virides longæva per annos,
Indiæ ad extremos depulso Bistone fines,
Proferat Imperium nullis delebile fatis.

Post exantlatos taadem CATHARINA labores

Tranatis fluijs, superatis montibus aspris
Tractibus anfractu intortis, salebrisquæ viarum,

Ante oculos Urbis manifesto constitit ore.
Hanc quicunque vident, mirantur, amantque, timentque,
Et minus esse ajunt, quod longo carmine quondam
De Samia Diva veteres scripsere Poetæ.
Quantis frontis honos? & quanta hic gratia vultus?
Quantum oculis fulgor, gravitasque in corpore toto?
Quis fluor eloqui mellitâ svavior Hybla?
Quæ vis consilii expéndens eventa futura,
Eximiè curans, & fausto fine coronans?
Quis vigor iugenii? quam robur pectoris amplum,
Casibus invictum, diversa in fata paratum?
Exeruit Natura suas hic sedula vires,
Ut, quæ tractandis sceptris supereminent omnes,
Corporis Illa, animique bonis insignior esset.
Hic bene convenient & in una sede morantur
Majestas, Charitesque simul: faciuntque jubenti
Pareat ut populus permotus amore, metuque.

Et jam cum DOMINÆ præsenti lumine vultus,
Lætitijs transacta dies; nec gaudia finem
Accepere suum, sed ubi sol æthere jugales
Hespériis denisit. aquis, & tetrica nigris
Nox investa rotis totum velaverat Orbem:
Tum subito micuere faces, micuere corusci
Arcus, & spissas tenebras, noctemque fugarunt.
Omnia collucent: pia templa, palatia, turres,
Curia, privatæque Domus, gymnasia, portæ:
Pyramidum moles augusta ad sidera surgit,
Luminibusque suis stellato certat Olympos.
Id tamen excipias: color est argenteus astris,

Hic rubetum & viridem lucem discriminat aurum
Flaventis jubaris, mixtisque coloribus Irim
Aere depingit, populo quae nuncia pacem
Pulchra notat: Cives, ne forsanate procellam,
Sed, nimib[us] longe depulsis fortis iniquae,
Sperate innubes soles, spergate serena
Cuncta sub AUGUSTÆ Scepbris moderantibus Orbem
Rossiacum. Nec nos reficit spes sola futuri,
Jam praesente bono, nec non felicibus annis
Perfruimur læti, festosque accendimus igit[es]
Lætitiae testes. Nullus sese exinit isto
Cætu: five quibus largas Fortuna ministrat
Mitis opes, seu quos tenui cum Sorte reliquit:
Contendunt omnes lucem revocare diurnam.
Quin etiam pauper manib[us] per compita reptans,
Qui paucos solidos precibus lucratus egenis
Exiguas epulas, tenuem victumque daturus,
Hoc pretio arsuram nocturno tempore curat
Lampada, & oblitus cænæ radiante coruscām
Nocte suam cupit esse casant cum Divite certans:
Quodque oleum certo sibi jure poposcerat olla,
Illud consumpsit, flammam plaudente, lucernæ.
Tantus amor DOMINÆ cunctorum in pectora regnat:
Scilicet unusquisque lubens sua testa lucernis
Ornat, & obryzo flammæ radiantis inaurat.
Dixisse totam Vulcani Nostibus Urbem
Demersam, tantus possederat omnia splendor.
Lux vaga dimanat, longis spatiisque per auras
Funditur, allapsam reflectunt nubila lucem,
Quam procul intuiti, vacuato rure, coloni

Accurrunt errore rati, quod Malcyber urbem
Possideat vicit flammis populantibus aedes.
Ast ubi non nocuis vibrari lumina tædis
Conspiciunt, adstant animisque stupentibus hærent,
Nunquam visa sibi tam magnæ incendia lucis.
Ne mirere, rudis plebes, villana propago,
Fulgoris tanti causam si forte requiris:
Vestra etiam tritus vulgatur sermo per ora:
Quod, si visceribus thesaurum terra recondat,
Prodere luminibus soleat, flammaque volante.
Fabula sit, per me licet: id porro afferro certum:
Thesaurum Imperii summum, gemmam magè caram
Imperiò, decus Europæ Polocia servat:
Quidni luce nova signet, quid mænibus abdat?
Scilicet in DOMINAM quanto Gens fertur amore,
Hæc declarat luce: videlicet ignibus istis
Majores ardere sibi sub pectore flamas.



Luctus Polociæ in abitu

AUGUSTISSIMÆ IMPERATRICIS.

Ergo fixa Tuæ perstat sententia menti
Permutare solum, nostrisque excedere terris?

Ergo tuos Cives Regnatrix, pignora MATER,
Pugillos Tutrix orbos, mæstosqué relinquis,
Et quibus adveniens hac gaudia magna tulisti,
Illi hinc abiens luctu demergis amaro?
Sic est: res hominum non æqua Sorte rotantur:
Jam per strata rosis & mollia plana viarum,
Per loca jam satebris & acutis horrida dumis
Mortales Fortuna vehit; velutique perenni
Lege diem rutilam nox atra humentibus umbris,
Ac hilarem musto authumnum tristissima bruma
Insequitur: pariter miscentur dulcia amaris,
Læta catenantur mæstis & mollia duris.
Rebus in humanis nunquam fine nube diescit.
Paucos ante dies plateæqué, forumqué sonabant
Omnigeno plausu, nunc luctibüs omnia marcent.
O nimis arctati Soles, o tempora paucis
Definita horis, per quas tua lumina vultus
Civibus impertis, Lux nostra nitentior astrò!
Quare Te pigeat nostra statione morari?
Non Te vincit amor Gentis, ietasqué, fidesqué?
Nonqué movent lachrymæ, non flent vota, precesqué?
Quin abeas, faciasqué tuos tabescere luctu?

Siste gradum, lachrymas populi sistesqué fluentes.
At fructa. PRINCEPS Phæbei sideris instar,
Stare loco nescit: percurrens omnia lustrat,
Omnibus impendit clementer luminis usum.
Verùm Sol quamvis abeat, nihilominus oras,
Quas modò destituit, renovata luce, reviset:
Itque, reditqué vias, uon semper sistit in uno
Zodiaci signo. PRINCEPS, sis æmula solis:
Non Te Petropolis teneat, non Moschua Sola,
Non Rus Cæsareum: hoc quoqué clima revise quotannis,
Atque anni magna nobiscum parte morare.
Anitè istas habitare casas, laribusqué teneri
Vilibus hiscè queat CATHARINÆ augusta potestas?
Copia non defit, modò sit Tibi certa voluntas,
Mox aulæ, vastæque domus, mox mænia surgent.
Ergo age Regnatrix, fabricandam hic suscipe molem:
Huc curas converte tuas, animiqué vigorem.
Hic, ubi florescunt Cereris de munere melles,
Ac ubi sublimis stat sylvis scena coruscis
Necnon cæca seris habitacula præbet, & ursos
Atqué lupos nutrit gregibus fatalia monstra:
Hic Cives habitent, populis hic mænia pone.
Occupet elatas fluvii tua Regia ripas,
Unde tibi pateant ludi, saltusque catervæ
Squammigeræ, choreæque leves, pugnæqué jocosæ:
Et quibus infidiis piscator retia tendens
Ambiat undivagum vulgus, filisque dolosis
Implicitet, & captuni muscoso littore ponat:
Et qui velivolas ultro, citroqué meantes

Deportet fluvius liquenti tergore nayes.
Parva quidem sunt hæc, animo celsoqué minora,
REGNATRIX AUGUSTA, Tuo sed Regibus ipsis
Non est insolitum, spectacula talia visu
Delibare, suas atras curasqué levare.
Hic igitur turres vicinas rubibus educ,
Cæsareo sumptu Te digna palatia conde,
Aggere multiplici arces muni, cinge vaganti
Flumine; deservit facto natura locorum:
Camporum si plana juvant? amplissima latè
Planities excurrit agri non colle tunescens:
Si quisquam juga montis avet? vicinia celsis
Montibus affurgit; si vasta stuenta requiras?
Vorticibus rapidis magnus pælabitur annis,
Inqué tuum portum Rigam devectus aperto
Se condit pelago, dederant cui balthea nomen.
Parte alia huc, illuc sinuosis flexibüs errans
In Dunam Polota suis devolvitur undis.
Utquæ relaxandis curis, animoqué levando
Adfint, quæ recreent oculos: Super æquore campi
Hic plantes hortos & anænos arbore multa,
Ac placidam densis accersas frondibus umbrani.
Hic stores varios forma, variosqué colore
Areolis dispone suis: huc montibus unda
Accurret sine fæce cavo deducta metallo,
Perqué tubos variè flexos anfractibüs acta
Ante oculos DOMINÆ saliet per mille recursus:
Iamqué petens auras vitreo sinuabitur arcu,
Jam liquido rutilam formabit fonte coronam,

Aera jam scindet varias induit figuras:
Inde relapsa solo, toto spatiabitur horto, &
Frigus inhalabit gratum violisque, rosisque,
Ac hortense nemus disperso humore fovebit.
Si majora optes obleftamenta, potentem
Quæ deceant DOMINAM, narratur qualibus olim
Sveta fuisse frui PRINCEPS opulenta Canopi:
Non deerunt, nec enim poterit Tibi deesse facultas.

Regia navis erat multo donata decoro
Dextera ab artifici, magnis opibusque superba.
Quæ pandebantur fluitantia carbasa ventis,
Subtili radio Tyrii texere labores:
Serica purpurei portabant vela rudentes,
Pro malo non pinus erat, verum ardua cedrus,
Albescens clavus fuit ex elephante petitus,
Aurati remi, sumebant fulgur ab auro
Antennæ, parili splendebat prora metallo.
Hac rate dum vehitur fluvium Regina per altum,
Dumque percussam refringunt cœrula lucem
Purpuream, flavamque simul: lucentia stagna
Dixeris Auroram croceis depingere flaminis.
Sic Cleopatra suos Orbi jactabat honores.
Confimili posse, si velles, Maxima PRINCEPS,
Nave per æquatas spatiari fluminis undas,
Ac pronis illam delabi fluctibus oram,
Livonicas defixit ubi Natura charybdes
Navibus infestas. Quidam hic est horror amœnus,
Inspectare, prout repetitis Saltibus amnis

Se rotat in partes varias: jam surgit in altum,
Jam se præcipiti lapsu demittit ad ima:
Littora jam pulsat, retroqué relabitur, atque
Mille trahens gyros tumidus refluitqué, fluitqué
Obvius ipse sibi venientes excipit undas,
Ac errore vago per subdola Saxa volutus
Cum strepero sonitu spumas jaculatur in auras.
O quies periére rates hoc tramite vextæ!
Has spectare potes ludentes flexibus, at non
Tranare inseffas saxis latitantibūs undas.
Nam par est, Dominam populo nocitura videre,
Ut, si qua ratione potest, removere pericla,
Commodaque in tuta studeat statione loca.
Vorticibus vero tantis committere vitam
Fortunamqué simul regni, naturæ lege vetatur
Principibus, quorum casu Gens tota ruinam
Ferret, & accisis languerent omnia rebus.

Dum locus est igitur condendæ commodus urbi,
Ædibus augustis, & firmis arcibus, atque
Delicias potis est regali nomine dignas
Suppeditare Tibi, cur non hic mænia ponas?
An Tibi defectu sumptus subtracta potestas,
Quam largis opibus clemens Fortuna beavit?
Si potuit Dido Phænissis exul ab oris,
Quæ Lybjæ tenuem precibūs possedit agellum,
Condere percelebres magnæ Carthaginis arces:
Tu, cuius felix ditio protenditur ultra
Europæ fines, Afriqué amplissima, necnon
Divitiis populisqué tenet florentia regna,

Non possis isto per ameno in littore Dunæ
Iunctarum nuper Regionum figere sedem?
Si PETRUS extruxit magnis conatibus Urbem,
Et sua Petropoli dederat cognomina: cur non
Hic muri, **CATHARINA**, Tuo sub nomine surgant?
Ille recens captis fixit sua mænia terris:
Illum, quem sequeris sceptro ac ingentibus ausis,
Atqué etiam fatis superas, hōc exprime factō.
Imperio minor Ille fuit gazaqué minore:
Tanta tuis Regnis accessio facta, negata
Belliger PETRO. Tibi nigri marmore Ponti
Velivolæ naves portant de mercibus aurum
Intactum PETRO, quamvis molimine multo
Quæsitum fuerat bellis & fædere Pacis.
At post adjectas terras atque aucta tributa
Cum tua divitiis æraria plena redundant,
Cur super his terris constructæ mænibus urbis,
Nominis æternum monumentum ponere nolis,
Quod memori semper celebretur laude per Orbem,
Sculpatur Pario saxo, scribatur in ære?
Clarisono verax lituo fert Fama per auras,
Innumeræ, **AUGUSTA**, Tuis jam sumptibus Urbes
Erectas alibi: his par sit data gratia terris.

Fac igitur jubeas, mox omnes agmine facto
Aggrediemur opus: pars ferro frangere Saxa,
Atqué novam fabricam appositæ formare figuræ:
Pars lapides legere ex agris, pars cædere ligna,
Pars tædis animare focos, calcemquæ parare,
Tradere Vulcano lateres, durareque flammis:

Pars aptare locum hortis, pars inquirere fontes,
Ducere pars sulcos platanis, tiliisque serendis.
Plurima materies aderit tribuenda labori:
Quadratas rupes & cæsi fragmina gypſi,
Et marmor septum Gothicō de littore navī
Duna vehet, nostrisque celer componet in oris.
Siquid opus chalybis foret, æratique metalli,
Riga ministrabit DOMINÆ mandata capessens.
Non opus, ut Tua mens majoribꝫ obruta curis
Talibus insistat rebus: committe Ministro,
Nuper qui adjunctis sapienter præsidet Oris.
Quæque VIR hic magnus faciet, Tu facta probabis.

Interea junguntur equi, currusque parantur:
Decretum meditatur iter clarissima PRINCEPS,
Iamquæ viæ sese tradit stipante caterva
Lugentis populi: tristis ferit æra clamor.
Hæc saltem fuerint misero solatia luctu,
Ut, quoties Titan magnum percurrerit Orbem,
Pomifer authumnus, vel hyems incana pruinis,
Aut ver florilegum, vel pallida messibus ætas
Te nostra toties, ô PRINCEPS, fistat in urbe.
Hæc foret aurato sæculo pretiosior anni
Pars nobis, festisque esset socianda Kalendis.
At modò discessus quoniam stat certa voluntas,
Perge bonis avibus, Zephyris comitantibus, astris
Non madidis nimbo, aut aspris spirantibus Euros,
Nec præmaturos æstu jaculantibus ignes:
Temperie verūm placidā mulcentibus auras.

Perge bonis avibūs, populi Te corda sequentur,
Post Te nostrarum lachrymarum flumina current,
Hasqué dabunt voces planctu resonante per æthram:
Perge bonis avibus, rursusnique revertere, MATER!



XVIII. 1. 1371.

F

XVIII.1.1371